

თელავის მუნიციპალიტეტის საკრებულოს
სოციალური, კულტურის, განათლების და ახალგაზრდულ საქმეთა
კომისიის სხდომის

ოქმი N 2

ქ. თელავი

2023 წლის 17 მარტი

თავმჯდომარეობდა: კომისიის თავმჯდომარე გიორგი ხაჭაპურიძე.

სხდომას ესწრებოდნენ კომისიის წევრები: თამარ ხატიაშვილი, ეკატერინე ონიკაძე,
მარიამ ლილუაშვილი, ზაზა ტატულიშვილი, ბაადურ
რევაზიშვილი, ეთერი გურგენაშვილი, ივანე
დალაქიშვილი, გელა ესიტაშვილი, ლევან კოჭლოშვილი,
გივი ლაფაური.

სხდომას აგრეთვე ესწრებოდნენ: თელავის მუნიციპალიტეტის საკრებულოს
თავმჯდომარის მოადგილე მიხეილ დალუნდარიძე,

თელავის მუნიციპალიტეტის საკრებულოს აპარატის უფროსი
ტარიელ გალახვარიძე,

თელავის მუნიციპალიტეტის მერიის მეგლთა დაცვის
განყოფილების უფროსი ლიკა ალადაშვილი,

თელავის მუნიციპალიტეტის საკრებულოს სოციალური,
კულტურის, განათლების და ახალგაზრდულ საქმეთა
კომისიაში მოწვეული სპეციალისტი ნატალია ჯავახია.

დღის წესრიგი:

1. თელავის მუნიციპალიტეტში 2023 წელს განსახორციელებელი მეგლთა დაცვის
პროგრამის დამტკიცების შესახებ

მომხს. გ.ხაჭაპურიძე

მოისმინეს: 1. თელავის მუნიციპალიტეტში 2023 წელს განსახორციელებელი ძეგლთა დაცვის პროგრამის დამტკიცების შესახებ.

მომხს. გ.ხაჭაპურიძე

გიორგი ხაჭაპურიძემ კომისიის წევრებს გააცნო მერიის მიერ წარმოდგენილი პროექტი და მერიის ძეგლთა დაცვის განყოფილების უფროსს ლიკა ალადაშვილს სთხოვა გაეკეთებინა განმარტება წარმოდგენილ პროექტთან დაკავშირებით.

აზრი გამოთქვეს: ლიკა ალადაშვილმა აღნიშნა, რომ სოფელი კისისხევი გამორჩევა ისტორიული ძეგლების სიმრავლით. განსაკუთრებით საინტერესოა ტყეში არსებული კლდეში ნაკვეთი გამოქვაბულები, რომლის შესწავლა დაიწყო 2022 წელს. პირველ ეტაპზე მოხდა გამოქვაბულების ორი ჯგუფის შესწავლა, დათარიღება რამაც საინტერესო შედეგები უჩვენათ. კერძოდ:

ჩატარებული კვლევითი საქმიანობის დროს გამოავლინეს ორი ჯგუფის გამოქვაბულები. დაადგინეს, რომ გამოქვაბულთა კვეთა დაიწყო VI-VII საუკუნეებიდან, რომელშიც არის გაერთიანებული პირველი ჯგუფის ქვაბები და წარმოადგენდა კლდეში ნაკვეთ ეკლესიას, კერძოდ სამეკლესიანი ბაზილიკას.

გამოქვაბულების მეორე ჯგუფი შედგება ორი, რთული სივრცულ-გეგმიური გადაწყვეტის დარბაზისაგან, მარცვლეულის შესანახი ხარიებით და წყლის რეზერვუარებით. აქ მონასტრის საკრებულო და სატრაპეზო უნდა ყოფილიყო. მეორე ჯგუფის გამოქვაბულები დათარიღებულია IX ს.

მეორე ეტაპის კვლევითი სამუშაოების შესყიდვის შემთხვევაში შესწავლილ იქნება კონდამიანის ქვაბები, როგორც სამეცნიერო, ასევე ტურისტული თვალსაზრისით უაღრესად საინტერესო ძეგლია. მეორე ეტაპისთვის აუცილებელია დღემდე შეუღწეველ გამოქვაბულებში სპეციალური დამხმარე საშუალებებით შეღწევა და მათი ფიქსაცია.

გადაწყვიტეს: თელავის მუნიციპალიტეტში 2023 წელს განსახორციელებელი ძეგლთა დაცვის პროგრამის დამტკიცების შესახებ პროექტი წარედგინოს თელავის მუნიციპალიტეტის ბიუროს სხდომას საკრებულოს დღის წესრიგში შეტანის მიზნით.

კომისიის თავმჯდომარე:



გიორგი ხაჭაპურიძე